

Sakspapir

Saksnr	Utvalg	Type	Dato
142/20	Kommunestyret	PS	10.12.2020

Saksbehandler	Arkiv	ArkivsakID
Odd Harald Dommersnes	FE-150	20/3402

Budsjettjustering 3. tertial 2020

Framlegg til vedtak:

Kommunestyret vedtek rådmannen sitt framlegg til budsjettjusteringar i samband med tertialrapporten for 3 kvartal 2020

Kommunestyret vedtek rådmannen sitt framlegg til budsjettjusteringar i samband med tertialrapporten for 3 kvartal 2020, minus løyvinga til anleggsbidrag til arbeid med busslomme og fortau på Toftegård, som kjem opp igjen i sak 139/20.

Det vert sett av kr 500 000,- av årets overskot til å retta opp feil og manglar i Austrheimhallen og idrettsparken. Ein 20 % vaktmeisterressurs vert også øyremerka til vedlikehald og ettersyn av anlegget.

Kommunestyret - 142/20 - 10.12.2020

KS - behandling:

Kommunalsjef økonomi og personal Odd Harald Dommersnes orienterte om budsjettjusteringar etter 3. tertial.

Einingsleiar teknisk drift Rolf Henning Myrmel sa at det har vore ute anbod på arbeidet med ferdigstilling av gang- og sykkelveg ved Vardebrua på Fønnes. Fekk inn tre prisar, og det er oppstart over helga. Skal byggast kring 110 meter med ny gang- og sykkelveg.

Anne Dahle Austrheim (KrF) spurte om ho var ugild med tanke på løyvinga til Baløy båthamn, sidan faren hennar medlem i båtlaget. Her svara ordførar Per Lerøy at dette er vurdert tidlegare. Dette er ei sak mellom båtlaget og kommunen, alle i Austrheim kan bruka dette anlegget. Det var semje i kommunestyret om at Anne Dahle Austrheim ikkje var ugild.

Anne Dahle Austrheim (KrF) spurte om saka med anleggsbidrag til arbeidet med busslomme og fortau på Toftegård (139/20) bør handsamast først, før det vart sett av midlar i denne saka. Etter diskusjon i kommunestyret vart den løyvinga teke ut av denne saka og teke opp i sak 139/20.

Debatten er ført i den saka.

Reidar Ulvøy (Ap), sa om løyving til busskur på Njøta at dette bør kunna fabrikerast ved AVS, ved at dei får oppdraget. Må også sjå på dette i samband med løyving til bom på gangveg i Vikane, er det

mogleg å bruka AVS. Her kan ein gje den vidaregåande skulen fornuftige oppgåver i tillegg til egne prosjekt.

Ordførar Per Lerøy (Ap) sa til Helge Dyrkolbotn (KrF) (som jobbar ved AVS) at ein gjerne må samarbeida om desse prosjekta, både for busskuret og bommen.

Morten Sognnes (H) la fram framlegg på vegner av Ap/H i denne saka:

Det vert sett av kr 500 000,- av årets overskot til å retta opp feil og manglar i Austrheimhallen og idrettsparken. Ein 20 % vaktmeisterressurs vert også øyremerka til vedlikehald og ettersyn av anlegget.

Kommunalsjef Bjørnar Fjellhaug sa at det har vore ein del etterslep på vedlikehald i hallen og for idrettsparken, Må ha på plass ein vedlikehaldsavtale som sikrar at anlegget er trygt. Hadde ikkje oversikt tidlegare i haust, men ser no at ein må leggja inn midlar.

Reidar Øksnes (Sp) sa at det ikkje er noko feil med å bruka midlar på idrettsparken, men er det mogleg å bruka desse midlane no i 2020, eller er det tenkt meir som budsjett for 2021?

Kommunalsjef Odd Harald Dommersnes sa at noko kan brukast i 2020, men elles vert det sett av til fond for bruk i 2021, 500.000 av årets overskot. Bør komma i gang i 2020.

Kommunalsjef Bjørnar Fjellhaug sa at ein har sett i gang arbeidet, og noko vil ein klara å få gjort no i 2020.

Hardy Pedersen (Ap) sa at det har vore eit driftsstyre for anlegget tidlegare, men dette forsvann og administrasjonen skulle ta vedlikehaldet. Det viser seg at ein ikkje klarer dette, treng å ha nokon som er tettare på enn det ein har i dag. Ber om at eit slikt driftsstyre kjem på plass igjen, for heile idrettsparken, der ein har med lag og organisasjonar som er tettare på, gjerne med ein representant frå administrasjonen som kan vera bindeledd inn mot adm.

Kommunalsjef Bjørnar Fjellhaug sa at ein ser på ulike modellar for å få på plass eit slikt driftsstyre, og vil ha det inne tidleg i 2021.

Jan Nordø (Bygdelista) spurte om kvifor ikkje dette kjem frå rådmannen med saksutgreiing, der ein viser kva konkrete ting som ligg bak denne løyvinga på 500.000 kroner.

Rådmann Liv Løvvik sa at det er uvant at det er midlar tilgjengeleg for å gjera noko. No var det ei befaring, og det viste seg at det var større behov enn ein hadde tenkt.

Helge Dyrkolbotn (KrF) støtta Nordø i at dette burde komma frå administrasjonen. Ba om at det kom eit råd som hadde ansvar for alle idrettsanlegg i kommunen, og ikkje berre for idrettsparken og Austrheimhallen. Dette kunne vera eit råd med representantar frå idretten, kommunestyret og administrasjonen, nokon som kan komma med innspel og peika på utfordringar. Dyrkolbotn sa vidare at det er riktig å ta eit skipperak for vedlikehald i idrettshallen.

Per Lerøy (Ap) sa at dette kom inn frå H og Ap i tolvte time etter at oppvekstleiar og idrettslaget var på synfaring dagen før kommunestyremøtet, den ein avdekka at noko var utrygt. Såg også at det ikkje har vore uavhengig tilsyn med anlegget på fleire år. Må ta grep for å sikra at det er inspeksjonar og at det er eit anlegg som er trygt. Veit ikkje om 500.000 er dette rette summen, men startar med dette.

Bjørn Inge Håland Dyrkolbotn (Sp) sa at det er klart at det er behov for å gjera noko, men ber om at administrasjonen må høyra med dei som brukar hallen, for å unngå løysingar som er tungvinte og som skaper frustrasjon.

Kommunalsjef Bjørnar Fjellhaug svarta at ein sjølv sagt skal involvera, noko er akutt, men må laga ein plan vidare.

Handsaming i kommunestyret:

Røysta over budsjettjusteringar punkt for punkt.

Hoppa over det eine til punktet Haugen/Toftegård, samd for alle dei andre, inkludert tillegget frå Ap/Høgre om 500.000 til Austrheimhallen/idrettsparken.

KS - vedtak:

Kommunestyret vedtek rådmannen sitt framlegg til budsjettjusteringar i samband med tertialrapporten for 3 kvartal 2020, minus løyvinga til anleggsbidrag til arbeid med busslomme og fortau på Toftegård, som kjem opp igjen i sak 139/20.

Det vert sett av kr 500 000,- av årets overskot til å retta opp feil og manglar i Austrheimhallen og idrettsparken. Ein 20 % vaktmeisterressurs vert også øyremerka til vedlikehald og ettersyn av anlegget.

Saksopplysninger:

Bakgrunn

Både i hen hold til kommunelova med tilhøyrande forskrift og Austrheim kommune sitt økonomireglement, så skal budsjett endrast når det skjer endringar i løpet av året. Vi ser og at det er gjort ein rekke vedtak utan at det er følgt pengar med i tidlegare år. Desse vedtaka vert nå ta inn i rådmannen sitt forslag til budsjettjustering.

Rådmannen har ansvaret for å rapportera om den økonomiske situasjonen til politisk nivå. Ved utgangen av kvar tertial skal rådmannen leggja fram rapport til kommunestyre, det vert rapportert til formannskapet på månadsnivå. Rapporteringa skal ha fokus på å avdekka eventuelle avvik i høve vedtatt årsbudsjett, tiltak for å oppnå balanse, prognose for året, utviklinga innanfor tenesteområda, oppnådde resultat/målsettingar og status på eventuelle politiske vedtak. Dersom det er endringar i budsjettet, skal dette også leggest fram til behandling i tertialrapport. Årets 3.tertialrapport vert lagt fram i desember og er ein forenkla rapport som inneheld eventuelle budsjettjusteringar. Fullstendig rapport for året som inkluderer 3.tertial vert lagt fram med årsmelding. Tertialrapportene skal handsamas i kommunestyret.

BUDSJETTENDRING				Innlevert av		Justering nr.:			
Art	Ansvar	Teneste	Auka utg. (R)	Auka innf. (-) (R)	Kommentarar:				
13700	6200	3320	50 000		Buss-skur på NJØTA etter synfaring av formannskapet i 2017				
13700	6200	3320	300 000		Oppgradering av farleg veg i Dymeset, jr. budsjett vedtak i 2018 kommunestyre				
13700	6200	3320	100 000		Oppgradering av veg til Tresvik til 10 tonns akseltrykk, budsjettvedtak frå 2014				
12000	6200	3320	35 000		Montering av bom i kryss mellom gang-sykkelssti og kommunal veg i Vikane, kommunestyrevetak i mai 2020				
14700	6200	3320	650 778		Tilskott til arbeid med busslomme og fortau i Toftegårskrysset, jf. Vedtak i KS-013/19				
13700	6200	3320	30 000		Kjøp av grunn til fortau i Kvalvågen 95. Arbeidet er utført og entreprenør har forskottet kjøpet				
13700	6200	3320	90 000		Ein liten del av kommunevegen til Hopland er i ferd med å skli ut. Masseutsifting av ca 20 meter veg				
13701	6200	3300	50 000		Søknad om støtte til Solen felleskai, arbeidet blir utført på dugnad				
13701	6200	3300	37 500		Søknad om støtte til Baløy Båthavn, arbeidet blir utført på dugnad				
13700	6200	3320	71 250		Asfalt til nedkjøring til Kalandsfeltet				
13700	6200	3320	234 250		Ferdigstilling av arbeidet knyta til Nordhordlandpakken på Fønnes.				
14700	4300	3850	75 000		Leirvåg bedehus, dekning av underskott for 2020				
14500	1100	1800	10 000		Tilskott til eldrerådet for å arrangere for datakurs for eldre				
14500	1100	1800	20 000		Det vert gitt kroner 20 000,- til julegaveaksjonen i Austrheim				
11151	3300	2530	20 000		Innkjøp av julemat for tilsette som jobbar i julehelga og nyårshelga på helse og omsorg sine eininga				
18002	9000	8400		-1 773 778	Endra beløp i budsjett på skjønnsmidlar				
			1 773 778	0	-1 773 778	0	0	Kontroll (skal vera 0)	

Konklusjon

Rådmannen tilrår kommunestyre å gjera denne budsjettendringane i samband med framlegginga av

tertiarapporten for 3 tertial.